

Ina flur sin fossa alla:

GR 15.8.86

Tanja Mathiuet, Sedrun



N.V. «Lein sperar che nus sevesien puspei tuts sauns e tafers d'atun.» Quella construcziun vegn segir repetida alla fin digl onn da scola en biares stanzas da scola e quei da numerus scolastas e scolastas. Segiramein secapessa quei buca da sesez, ozildi nua ch'ei dat tons accidents da differents generis, catastrofes, rapinadis e malsognas che raffan naven da quest mund giuven e vegl. Ils conscolars e las conscolaras dalla Tanja havessen veramein era buca sminau; gie gnanc semiau buc, che siu plaz el baun da scola resti per adina vits. Ina maligna malsogna ha in tec allaga raffau la cara Tanja alla mort, gie la paupra buoba ha suffriu cun pazienza e speranza tochen la davosa ura e havess mai sminau siu destin. Niessegner che dispona sur veta e mort, ha vuliu auter. Segiramein sa El, gie mo El il daco e pertgei. Per nus carstgauns dat ei sin quest mund biares enzennas da damondas.

Ord sia cuorta veta

La Tanja ei naschida ils 31 d'uost 1976 sco secunda feglia da Guido Mathiuet e Carmelia, nata Hitz. Ella ha gudiu ina legreivla affonza e frequentau dus onns la scoletta a Sedrun. Igl onn 1983 ha ella saviu ir ell'emprema classa ed emprender d'enconuscher sias conscolaras e ses conscolars. Tier la scolasta Ursula ha ella frequentau biares e legreivlas uras. Quei onn ha ella astgau purtar da Dumengia alva li Bambin e negin havess sminau che quel clomi tier El la Tanja en dus onns. Igl onn vargau ha la Tanja astgau festivar cun ils ses l'emprema s. Communiu.

La fin da schaner ha in malign mal il

Il Segner ei miu pastur,
a mi cheu maunca nuotzun.

Psalm 23, 1

tgau sfurzau la buobetta dad ir en spital. Buca sminond il meglier, han ins tarmess ella naven dil spital da Cuera el spital dalla universitat a Turitg. Leu han ins constatau in tumor el tgau ed ina heiclia operaziun ha liberau ella per cuort temps da sias dolurs. Suenter treis jamnas ei la buobetta revgnida stupent ed ha saviu turnar a casa ed ir a scola, siu pli grond desideri. Denton, la nauscha malsogna ha fugau vinavon e suenter cuort temps ha la Tanja stuiu turnar a Turitg. Ina secunda operaziun ha fatg sminar il mender. La buoba haveva denton adina la speranza ed energia, patergava da gie buca stuer bandunar sia classa e panzava ch'ella stoppi neglir memia zun la scola. La scolasta sco era l'entira classa han giu fetg bien contact cun la Tanja, han scret e telefonau ad ella e schizun cantau canzuns per ella sin ina cassetta e bia auter.

Era suenter sia secunda greva e fetg difficila operaziun ha ella saviu turnar a casa. Vesend jeu ella in di en scola a cumpignond sia sora, co ella haveva schizun piars igl equiliber dalla ballontscha, han ins mo stuiu sminar il mender. Paucs dis suenter ha ella buca pli saviu ir e stuiu star en letg. Suenter in meins da dira suffrientscha e suenter haver pitiu immensas dolurs han ils aunghels liberau la Tanja da talas e purtau ella enta parvis. Per la mumma che ha mintga di accumpagnau e gidau a suffrir siu affon sco era per tuts ils ses da casa aunc oz zatgei nuncapeivel.

Cumiau

Ils 23 da fenadur ha in numerus pievel priu cumiau dalla Tanja ed accumpagnau siu tgierp sin santeri. L'entira Val era en malencurada. Sin santeri vesev'ins giuven e vegl cun fatscha pensiva. Ils scolars e scolaras bargevan per ina cara amitga, geniturs furischavan las larmas, s'imaginond la grevezia dils pertuccai da stuer render alla fossa ina veta-aschi giuvna. En ed ord la Val han ins demussau viva art e part dil cordoli dalla Tanja.

Cara Tanja, roga ensem cun ils aunghels ch'il Segner gidi a supportar quella greva frida ils Tes da casa e ch'el protegi in e scadin d'ina tala quasi nunsupportabla sperdita e sort.